

ODLUKU**O KOREKCIJI REGULACIONOG PLANA GRADSKI
CENTAR "MARIJIN DVOR" POSLOVNI OBJEKAT -
GRAĐEVINSKA PARCELA A3**

Član 1.

Usvaja se korekcija Regulacionog plana Gradski centar "Marijin dvor" ("Službene novine Kantona Sarajevo", broj 51/13 - Prečišćeni tekst), (poslovni objekat - građevinska parcela A3), u daljem tekstu: korekcija Plana.

Član 2.

Korekcijom Plana utvrđuje se izgradnja poslovnog objekta na građevinskoj parceli A3 od koje se ne odstupa u odnosu na Plan, kao ni urbanistička postavka objekta uz povećanje spratnosti na zapadnom dijelu, planiranog poslovnog objekta (kula), koja ne prelazi maksimalnu dozvoljenu spratnost planiranih susjednih objekata kao i planirano saobraćajno rješenje, a prema sljedećim urbanističko-tehničkim uslovima, odnosno na način:

- Izgradnja objekta na građevinskoj parceli A3 površine 3842 m²,
- Regulaciona linija građevinske parcele A3 je definisana u grafičkom prilogu br. 2 i 3,
- Građevinska linija objekta definisana je u grafičkom prilogu br. 2 i 3,
- Max. tlocrtna površina prizemlja objekta 1 350,0 m²,
- Max. bruto građevinska površina do 16 560,0 m²,
- Maksimalna spratnost objekta iznosi SPM do SPM22,
- Tip izgradnje objekta je slobodnostojeći,
- Namjena planiranog objekta je poslovna,
- Za mirujući saobraćaj obezbijediti broj parking mjesta u jednoj ili više podzemnih etaža i to jedno parking mjesto na 60 m² BGP,
- U arhitektonskom oblikovanju primijeniti savremene materijale (staklo, metal), s tim da vertikalni i horizontalni

gabariti mogu imati slobodnu formu, kao i mogućnosti uspostavljanja "zelenog" krova ili fasada sadnjom odgovarajuće vegetacije.

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom i građevinskim linijama objekta koji je predmet korekcije.

Tekstualni dio i grafički prilog korekcije Plana su sastavni dio Regulacionog plana Gradski centar "Marijin dvor" ("Službene novine Kantona Sarajevo", broj 51/13 - Prečišćeni tekst).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana Gradski centar "Marijin dvor", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Ministarstva prostornog uređenja i komunalnih poslova Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova odluka stupa na snagu narednog dana od dana objavljivanja na oglasnoj ploči Općine Centar, a naknadno će biti objavljena u "Službenim novinama Kantona Sarajevo".

Broj 07.23-6095/16
21. juna 2017. godine

Općinski načelnik
Prof. dr. **Nedžad Ajnadžić**, s. r.

OPĆINA HADŽIĆI**Općinsko vijeće**

Na osnovu člana 13. Zakona o principima lokalne samouprave Federacije Bosne i Hercegovine ("Službene novine Federacije BiH", br. 49/06 i 51/09) i člana 24. Statuta općine Hadžići ("Službene novine Kantona Sarajevo", br. 15/09, 17/12, 10/13 i 14/13 - Ispravka), a u skladu sa članom 8. i 9. Statuta, Općinsko vijeće Hadžići, na 8. sjednici održanoj 08.06.2017. godine, donosi

ODLUKU**O GRBU I ZASTAVI, USLOVIMA I NAČINU
UPOTREBE GRBA I ZASTAVE OPĆINE HADŽIĆI**

Član 1.

Ovom Odlukom utvrđuju se izgled, sadržaj, likovno - grafičko rješenje i upotreba grba i zastave Općine Hadžići (u daljem tekstu: Općina).

Izgled grba i zastave Općine Hadžići opisani u članu 1. i 2. Odluke o grbu i zastavi Općine Hadžići, broj 01/1-023-24/97 od 22.12.1997. godine ostaju nepromijenjeni i kao takvi su preuzeti u ovu Odluku.

Član 2.

Grbom i zastavom Općine predstavlja se Općina i izražava pripadnost Općini.

Član 3.

Grb Općine Hadžići je štitastog oblika. U donjem dijelu grba nalazi se srednjovjekovna kula u Gracu, sive boje; u središnjem dijelu grba nalaze se planine Igman, svijetlozelene boje i Bje-lašnica tamnozeleno boje, sa naglašenim bijelim vrhom, u gornjem dijelu grba nalazi se nebo, plave boje, sa mjesecom i zvijezdom, žute boje. Grb je obložen oker trakom sa ivicama crne boje.

Predstavljeni detalji simboliziraju bogato i raznoliko prirodno te kulturno - historijsko naslijeđe Općine.

Član 4.

Zastava Općine Hadžići je dvobojnica pravougaonog oblika, sa tri horizontalna polja, iste širine, poredana odozgo na dolje: zelena, bijela, zelena boja. U sredini zastave, na polju bijele boje, nalazi se grb Općine Hadžići, utvrđen u članu 1. ove Odluke. Grb je svojim vrhovima oslonjen na polja zelene boje. Odnos širine i dužine zastave je 1:2. Zastava se može izrađivati u različitim veličinama, s tim što je proporcija uvijek (1:2).

Član 5.

Likovno - grafičko rješenje grba i zastave Općine sastavni je dio ove Odluke.

Likovno - grafički standardi izrade grba i zastave Općine, kao i položaj i veličina grba na zastavi sastavni su dio ove Odluke.

Član 6.

Grb i zastava Općine upotrebljavaju se u skladu sa odredbama ove Odluke, u svrhe i na način kojima se ističe ugled i dostojanstvo Općine.

Grb i zastava Općine mogu se upotrebljavati samo u obliku i sadržini utvrđenim ovom Odlukom.

Član 7.

Grb Općine upotrebljava se:

- na priznanjima koja dodjeljuje Općina Hadžići;
- na zvaničnim pozivnicama, čestitkama i sličnim aktima i predmetima koje u zvaničnoj komunikaciji koriste predsjedavajući Općinskog vijeća i Općinski načelnik;
- prilikom međunarodnih susreta, takmičenja i drugih skupova na kojima učestvuje Općina ili je na njima